



مرکز توزیع:

باب عالی جاده سنده

(اتحاد تجارت)

کتابخانه سی ایل

(یکی توریه)

مطبعه سی



مجموعه اسلامی

دومى الفقه
۳۳۸




اداره خانه سی:

باب عالی

(یکی توریه)

مطبعه سی فوقنده کی

داثره مخصوصه



شرائط اشترا:

صاحب، مدیر، محرمی

شرائط تحریر:

هر سنده يك برنجی وایکچی آلی آیلغندن اعتباراً آتونه قید اولونور.
سته لی: اون ایکی نسخه اولوق اوزره بوسته اجر تیله برابر
(۱۰۰)، آلی آیلغی (۵۰) غروشدور. ممالک اجنبیه ایچین
۱۰ و ۱۰ غروش علاوه سی لازمدور.



اسلامك نفعنه خادم یازیلار مع التشر قبول ونشر اولونور. یازانك
شخصیتی دکل، یازیشك مادیتی نظر دقتنه آلتیر. کونده و یله جك آناو
اوقوناقلی و مختصرجه یازیلش اولالیدور. کن یازیلردن شایان قبول
که وولنلر تار ۳ صیراسیله درج ایدیلیر.

مزبورہ فی صورت قطعیدہ نظر اعتنادن مہجور
براقامق لازمدر.

برنجی نقطہ

لغاتك مشهور اولانی ایلہ شاذ اولانی، حقیقت
اولانی ایلہ مجاز اولانی، حقیقت اولدینی تقدیرده
حقیقت لغویہ، حقیقت عرفیہ، حقیقت شرعیہ
اولانلرینی بربرندن فرق وتمیز ایتک وبوخصوصده
صوک درجه احتیاطلی طاوور اتمق لازمدر. اشبو
نقطه نك درجه اہمیتی آکلامالیدر کہ امام شافعی
حضر تلی (لفت عربہ آدم عقلی واقف اولمادیغی
حالده تفسیر کتاب اللہ جسارت کوسترن قیل قویروغی
بکا کتیرسلر اوکابر تمیزدایاق آتاردم) بیورمشلردر.
برده لغتک الفاظ مشترکہدن اولوب اولمادیغنه وبر
لفظ مشترکک ہر ایکی معناسنده استعمالی یا کلیشلغنه
قابیلماق خصوصلرینہ دقت لازمدر.

شو اجمالی بروجہ آتی براز دہا تفصیل ایدہلم:
تا کہ لزوم احتیاط کرکی کی آکلاشیلین.

قرآنده ایکی معنایہ تحملی بولونان برلفظ شریف،
پیش ابتصار مزده تجلی ایتدکده نظر اولونور؛ اگر
او معنادن بری دہا ظاہر وارادہیہ دہا الیق ایسہ
لفظی او معنایہ حل ایتک لازمدر. مکرکہ ظاہر
اولان معنی مراد اولونمایوبده بالعکس خفی اولان
معنائک قرین قصد وارادہ اولدیغنه دلالت ایدن
بر دلیل قائم اولا. ہر ایکینی وضوحاً وخفاءً
متساوی ولفظک ہر ایکینسندہ استعمالی حقیقت
اولوب لکن بزنده لغویہ، دیگرندہ حقیقت شرعیہ
ایسہ، شرعیہ اوزہرینہ حل ایتک اولادر. مکرکہ
حقیقت لغویہ مراد اولدیغنه بر دلیل قائم دلالت
ایلہیہ. مثلاً (وصل علیہم ان صلاتک سکن لہم)
آیتندہ کی (صلاة) ایکی معنایی حاملدر. بری
(دعا) درکہ بوندہ حقیقت لغویہدر، دیگرکی (نماز).
درکہ بوندہ حقیقت شرعیہدر. شیمدی بورادہ

مقتضای قاعدہ، حقیقت شرعیہ فی بالترجیح نمازی
ارادہ ایتک ایسہدہ حقیقت لغویہ اولان دعامعناسنہ
حل وارادہیہ دلالت ایدن بر دلیل قائم اولدیغندن
اورایہ حلی لزومی تحقق ایلشددر.

أوت (صلاة) ك (علیہم) ایلہ صلہ لانمائی
و (سكن) ك (ل) ایلہ صلہ لانمائی معنای شرعی
مراد اولونمادیغنه دلیلدر. چونکہ کیمسہ نك صلاتی
باشقہسی ایچون مستلزم سکون اولاماز. کذلک
کیمسہ نك اوزرینہ صلاة شرعی قیلینماز. حنازہ
نمازی ایسہ برنوع دعادر. بناء علیہ شو قرینہ ایلہ
تعین ایلہدی کہ صلاة شرعی مراد اولونمایہرق دعا
معنای لغویسی قصد وارادہ اولونمشلدر.

(مابعدی وار) دارالفنون السہات فاکولتہسی
تفسیر وتاریخ تفسیر مدرسی

بر غمہ لی ہودت

اسلام تاریخنندہ اسناد

جاهد بك طرفندن ترجمہ و طبع اولنقدہ
اولان «اسلام تاریخی» نہ دائر (۹۹۶۲) نومرولو
و (۲۷ کانون اول) تاریخی اقدامده انتشار ایدن
بر مقالہ فی او قودم. محرر مقالہ، بوتاریخ مؤلفی
ایتالیالی (لہ ثونہ قاشانو) وتاریخی کاه باتیروب کاه
چقارمق صورتیلہ، متردد بروضعیتدہ بولندیغی
کیزلہ مہمکہ برابر کتابی و مؤلفی تقدیر ایتکدن
خالی قالمیور، بعض قابل تعمیر اولیان رخنہ لره
تصادف ایتدکجہ مؤلفک برخرستیان اولسی حسیلہ
ادعا ایتدیکی بی طرفلنی محافظہ ایدہمدیکندنده
بحث ایدہرک بعض مباحثی قبول ایدہمیور، بر
ہفتہ صوکرہدہ مذکور کتابدن بعض ترہات نقل
ایدہرک ارباب علم بونلرہ جواب ویرملی دییوردی.
طبیعی علمای اسلامیہ لازمکن جوابلری ویرہ جککردر
وحتی ویرمکک باشلامشلردر. فقیر مع اعتراف العجز

(حدیث) و (اسناد) بحثده کی هذیانلرینه جوابه اجتسار ایدیورم . ایتالیالی مورخ دیورمش که : « اسناد ، بر حدیث پیغمبرک کنديسندن ، یاخود معاصری اصحابک برندن باشلایه رق متنی تحریراً تثبیت ایتمش ذاته کمنجهیه قدر شفاهاً روایت ایدن بوتون کیمسه لرك زمان صره سیله تعدادندن عبارتدر . . . »

اولا شونی عرض ایدهیم که بو نقل اولیان افاده دن مؤلفک اسلامیاتده نه قدر یایا ویاخود اسلامیت علیهنه نه درجه متعصب برغرضکار اولدینی مستبان اولیور . آ کلاشیلور که بو آدم مدقق بر مورخ دکل ، غرضکار بر مفتریدر . بویله اولماسه اسناد حقنده بویله جاهلانه ، غرضکارانه بر حکمی کتابه درج ایده مزایدی . وقایعه عاثر جهتلی تاریخ متخصصلرینک تنقیدینه براقلم . احادیث شریفه واسناد بحثنی تدقیق ایدلم . فی الواقع « اسناد » حضرت فخر کائنات صلی الله علیه وسلمدن ، یاخود صحابه کرامدن باشلایه رق آنلرک اقوال و افعال واحوالی نقل ایدن رجالک اسملرینی ذکر و تعداد ایسه ده اولیه (قائلانو) نک دیدیکی کی کلیشی کوزمل بر تعداد دکلدر و حدیثی تحریراً تثبیت ایدن مؤلفه قدر ایریشوب قالماز و قالماشدر . زمانمزه قدر ، یعنی بو اون دردنجی عصر هجرینک بو کونه قدر کلشدر . شیمدی ده معاصر علمای کرام و تحذیث نعمت اوله رق یازیورم محرر عاجزده بیکلرجه احادیث صحیحیه یی اوست باشی حضرت پیغمبره و آلت باشی بزره پیوسته اولان متعدد اسنادلرله نقل ایدرز و مورخک ، حدیثک متنی تحریراً تثبیت ایدن ذات دیدیکی مؤلفلرکه آنلره (ائمه حدیث) دیرز ، آنلرک اسملری ده بو اسنادلره داخلدر . بوندن پک اعلا آ کلاشیلور که « اسناد » رسول اکرم دن محرر حدیثه قدر دکل ، بو کون حاضر اولان علمایه

قدردر . ایتالیالی مورخک نه قدر مدقق بر آدم اولدینی آ کلاملی که اسنادک بو کونه قدر کلدیکنی والیوم مطلوب و ملتزم اولدینی تحقیق ایده مه مش ، یاخود تحقیقه لزوم کورمه مش و تاریخی عمیق بر تدقیق و تتبع نتیجه سنده یازدینی ادعا ایدن ویاخود اولیه مدقق و محقق بر متبع ظن اولنان مورخ هیچده ادعاسی ، یاخود مروجلرینک ظنی کی دکلش که « اسناد » ی (حدیث محررلرینک احداث ایتدکلری اسمی ناقلین جدولی) وهم ایدره ک کندينی کولونج بر موقعه دوشورمش .

بیلیمورمش که « اسناد » اسلامده ظهور ایتمش ، محدثلر و حدیث جمع ایدنلر طرفدن و سائر علمای اسلامیه جانبندن احداث اولنش دکلدر ، عربک مخصوصا تندنر . بو حقیقتی بیله مه مسیله یالکز اسلامیاتده دکل ، عربیاتده ده نه درجه جاهل اولدینی ، جاهل دکلسه نه درجه غرضکار بر اسلامیت دشمنی بولندینی ظاهر و ثابت اولمازمی ؟ غرضکار لغنه ، غرضکار دکلسه جهالته بو قدر جق اشارتله اکتفا ایده جکم بو آداجقز بیلیمورمش که عرب بیننده « اسناد » قبل الاسلام موجود ، مرعی و ملتزم ایدی . اکر الینه بر عرب تاریخی ، یاخود ادبی بر کتاب ، یاخود امهات کتب لغت عربدن بری آلق زحمتی اختیار ایتسه ایدی عربک قبل الاسلام جریان ایدن وقایعی ، جاهلیت اشعارینی ، لغات تحقیقلرینی و حکایاتی هب اسناد ایله نقل ایتدکلرینی کوریر آ کلاردی ده (حدیث محررلرینک احداث ایتدکلری اسناد) دیمکه جرأت و جسارت ایده مزدی . پک آشکار بر حقیقتدر که بو آدم قوجامان بر اسلام تاریخی دکل ، کوچوچک بر عرب تاریخی یازمق اقتدارینی بیله حائر دکلش .

بوراده مدعایز اثبات ایچون دین ایله واسلامیتله علاقه سی اولیان اسنادلردن برایکی نمونه

عرض ایدیم :

تاریخه حائد اسنادلردن : (۱ - یمن ملکی
« سیف بن ذی یزن » ک یمنی استیلاسی و حبشیلیری
یمندن اخراجی و یمنده تسلطی اوزرینه باشده
قریش رئیس عبدالمطلب اولدینی حالده بتون عرب
رؤسانسک یمنه عزیمتله ابن ذی یزنی تبریک و تهنئه
ایتملرینی ناقل اولان اسناد : (ابو نعیم اصفهانی
قال حدثنا سلیان بن احمد املاء سنة احدى وخسین
و ثلثمائة . قال حدثنا احمد بن یحیی بن خالد بن
حیان الرقی بمصر سنة ثمانین ومائین . قال حدثنا
عمرو بن بکیر بن بکار القعنبی . عن ابی القاسم الطائی
عن الکلبی . عن ابی صالح عن ابن عباس [۱] قال
قال لما ظهر سیف بن ذی یزن علی الین و ظفر
بالحبشة ونفاهم عنها ...) .

(۲ - ابرهه الاشرم الحبشی - سیف ابن
ذی یزن دن اولکی یمن والیسی ابرهه - نک کعبه
معظمه یی ییقمق اوزره مکه اوزرینه یورودیکی نقل
اولنان اسناد تاریخی : (ابو نعیم قال حدثنا ابو عمر
محمد بن احمد قال حدثنا الحسن ابن علی بن الجهم
قال حدثنا الحسین بن الفرع قال حدثنا محمد بن
عمر الواقدی قال حدثنا عبدالله بن عمر بن زهیر
عن عبدالله بن خراش الکعبی عن ابيه قال اقبل
عبدالمطلب يومئذ و اقبل اصحاب الفیل ...) .

(۳ - اصحاب فیل اوزرینه ابابیل قوشلرینک
آتدقلمی طاشلره دائر نوفل بن معاویه الدئلی نک
کلامنی نقل ایدن اسناد تاریخی که واقدی، تاریخنده
روایت ایتشدرد. دیورکه : (حدثنی عمر بن طلحة

[۱] مؤلف اسنادده اختصاره رغایه یاخود عبدالله
بن عباس وقعہ یی ایچنده جدی بولندیغندن عائله جه علاقلمی
اولدیغندن پدرندن ایشدیکی ظاهر اولمسنه بناء پدرینی
ذکر ایتیرک روایت ایدیور. اصطلاح محدثنده بویه
اسنادلره (موقوف) دینور .

عن جوثه بن عیید بن امیه ابن عبدالرحمن قال
سمعت نوفل بن معاویه الدئلی يقول رأیت الحصاة
التي رمى بها اصحاب الفیل ... (اصحاب فیلک رمی
اولندیغنی طاشجغزلری کوردم نغودقدر، مر جکدن
بیوک ایدی ... (مابعدی وار)

سودلیجه شیخی زاده شیخ آستانه سعديه

زاهر

ارضك صوك كوني

یکن نسخه دن مابعد

زیرده کی آیت کریمه ایسه بو خصوصده دها
شدتلی و دها آچقدرد .

سوره واقعه - آیت ۶، ۵، ۴ : [اذا
رجت الارض رجاً وبست الجبال بساً فكانت هباءً
منبثاً] .. (بالمصادمه) « ارض شدتله صارصیلدینی
« و طاغیر ریزه ریزه آت آیاغندن طاغیلان توزلر
« کی صاچلدینی وقتده ... »

سوره کهف - آیت ۴۵ : [و يوم نسير الجبال
وترى الارض بارزة وحشر ناهم فلم نفادر منهم
احدا] .. « و طاغیری یوروتدی کمز کون ارضی
دوبدوز کورورسک . و آنلری ، بر دانه سی
« اونوتلیه رق بر یره سهره ر و جمع ایدرز ! »

اشبو آیت جلیله بر جوق خصوصاتدن شایان
دقتدر . طاغیرک یورومسی ارضک سیر سریعته
اشارت اولوب کورورسک افاده الیه سی ده او
حالك، یعنی حادثه قیامتک محقق صورتده وقوع بوله جغنی
تأمیندن کنایه در . دوبدوز کوروملک مسئله سی دخی
مصادمه یی متعاقب سحاب مضی حالنه کچه جک اولان
ارضک بزمده سماده مشاهده ایتدی کمز سحابیه لر
کی دوم دوز رؤیت ایدیله جکندن عبارت اولوب
نتیجه حال دخی فی الحقیقه بوندن بشقه بر شی
دکلدر . سحابیه حالنی آلان هر جرم سماوی مرور